

# SAN JUDAS CARTA

---

## Dyus pa'yanisawe'shtyi Judas fi'jni

<sup>1</sup> Jesucristo's selpisáa Jacobo nyacj Judas naa carta's fi'jatstju Dyus pa'yanisawe'shtyi. I'cue'sha' Jesucristo jype'jni wala ew üsi'cue. <sup>2</sup> Tyäasa Dyus peeygãani wēt yuurraa mfi'nzewe.

### Īshiina fiy caapiya'jsa ūsta'

<sup>3</sup> Cue'shtyi na'wē Dyus nwe'wec tyā'srráana wejy āate caapiya'jna fi'jya'vatj yu' i'cue'shtyi. Nava tyā'wē yūumée fiy yu'cypejwa'cj casej tyā'sna wejy dund fi'jatstju i'cue'shtyi neewe'wena, na'wē Jesucristo's ūuste jypa'garra nwēese'jwa'ja's caapiya'jni yuuc tyā'sa' jypa'gayā'jrra', wej yujva yu'ptjejcajmen. <sup>4</sup> Tyā'wēme' maa nasaíi yu' ĩshiina fiy caapiya'jsa ūsyā'tja', nava tyā'wē yūusa' Dyus castigo seena'te cjēeya' u'jwa'jsata' jīna tyāniitey pta'shni yā'cj yu' Dyus librute. Tyāa nasa' wala canzh ewmeesata', tyā'wērraíity cue'shtyi taqui'sa Dyusnava weechna naa quiwete ewmeesa yuurraana cytey yuuna fi'nze'. Sa' cue'shtyi jype'jsa Jesucristonava tyā'wēyetyi weechi'.

<sup>5</sup> I'cue'sha' jiiyā'jne'cue nava qui' caayaqui'jya'vatj na'wē yūuni's: Dyusa' Israelwe'shtyi Egipto quiweju cutyi'jrrava, maaíi yuutyi's iviituc nwēese'pja'gamée. <sup>6</sup> Tyā'wēy angeleswe'shva jypa'yacypa'gamée tyāawe'sh yujuni's nvijtyi, atsa' Dyusa' tyāawe'shtyi' preesu'jrra jip'ja' chji'ndy walate castigāywa'j en ājtewe'sh. <sup>7</sup> Tyā'wēy Sodoma Gomorra vite' tyāa ja'ndasuwe'sh chjambva iiméj canzhsaterráaty fi'nzena ūsu' peecy cacue's suwsarráana nwēese'jna. Tyā'wē canzh yūupa'ga bagachte yujva ptsuwa'jmée ipy wala seena'te castigāynity yuu tyāa angeleswe'sh na'wēy. Tyā'wē castigāynisa' caajiyu'jsata' maava tyā'wēy yūucajmen.

<sup>8</sup> Tyā'wēteva tyāa nasa ĩshiisawe'sha' ewmée yajcyna tyāawe'sh cacue's pcaltety caafi'nze'je', sa' jycaajsawe'shtyiva weechna wēeshuna Dyusnava weechi'ty. <sup>9</sup> Angel npiitstjē'j Miguel yujva tyā'wē yu' wēeshumee'a Moises cacue's echtjē'j jyūna u'j wējetste, tyāa yacj puuty we'wena ūsrrava. Naasáa indya's Dyus jiina jīnarráac we'we. <sup>10</sup> Nava tyāa pitstjē'j ĩshiisawe'sha' jiimeeweete ewmeety atsewe'we'. Tyāawe'sha'

tajcy na'wërráava yajcyya' ãjani yu'sa' tyãawe'sh iviituwa'tje írráaty caaselpi'ji'.

<sup>11</sup> Cainva ma'wëga yuu tyã'wëyrráa yũusaata' naa pa'ga tyãawe'sha' wala yuj ñuste pa'jwa'jsata'. Vyu wala ji'pju wëerra Balaan na'wëytyi jypumba. Sa' Coréva ma'wëga ewméé atsewe'wepa'ga uu tyã'wëy vitutyna. <sup>12</sup> I'cue'sh wechana pcjaacjenisu caytjame'l'jya' pa'jsarráata'. Tyãawe'sha' cysũ pa'jrra tjaamewa'ja's ji'pjmeety ũ'na tundyna fi'nze', i'cue'sh cshavyte tjaamewa'jmée. Tyãawe'sh ew fi'nzewa'jrrá'styi yaaqui' vite yuutyi's peeygãjmée. Tãapja's wejya mteeva jyũna u'ljnisa na'wësarráata' seelpimeesa. Fytũu tash yũnsamée na'wësata'. Tyãa fytũu tasha'sva ma'wë peena yu' ye'chcajmén pety wetse jyuca cjumbeni yuucy tyã'wësarráata'. <sup>13</sup> Mar weeswée seena' bu'chisa na'wëty yu' tyãawe'sh ewméé tjaampa' yũuni yacj. Estrella tyajy u'jwa'j dyi'ja's jypumbasáa na'wësata'. Bagachterróa yujva casejwa'jmée ewméé seena' ñusñus chji'ndyte nviitni yuuwa'jsata'.

<sup>14-15</sup> Adan ntsun sietetewe'sh Enocja' na'jíc Dyus caaũusutje'jni's: Tyã'wë ewméé yũuni's jyucaysaty paapëjyrra nasa seena' ewmeesatyi's jyucaysaty castigãyya' Dyusa' tyajy nasa iiméj wala cujsa yacj yujte uytju, tyãawe'sh macuetjê'jne'ta ewméé yũuna fi'nzerra tyã'wëy Dyusnava atsewe'we tyãa pa'ga castigãyya' jī'c Enocja'. <sup>16</sup> Nasa tyã'wësa' e'sga nuywe'wena fi'nzesarráata', sa' peecy cacuete wët fi'nzewa'ja'srráaty pacue', tyã'wë e'sga yu' atsewe'wetsrrava áate yu' ewrráaty we'we', tyãawe'shtyi wa'lmée pu'chcajn.

### Dyus yacj fi'nzesaty neewe'weni jypa'yacycajn

<sup>17</sup> Nava yacjtjê'jwe'sh miiyajcywe: Jesucristo jycaajnisawe'sha' nyaffi pta'shtyi na'jína: <sup>18</sup> Nmej en yuutste' nasa' pa'jatyna Dyus jycaajni yu'sa' weचना tyãawe'sh ũus yaacyni ewmeesarrá's nwëese'jsawe'sh jínaty we'we. <sup>19</sup> Tyãawe'sh tyã'wë nasaty caapui'jsa yuutyna, tyãawe'sh ũus yaacyni ewmeesa's nwëese'jsa, Dyus Espiritu yu's ũuste ji'pjmeesa.

<sup>20</sup> Nava yacjtjê'jwe'sh, i'cue'sha' Jesucristo's ũuste jypa'garra nwëese'jwa'ja's caapiya'jni yuuc tyã'sa' jii yã'jrra', tyãajũ yu' peena casejnuwe. Dyus Espiritu's jypi'cyrra, Dyus yacj mpuutywe'wewe. <sup>21</sup> Dyus peeygãanijũ tyutemée ũytjasna meswe, cue'sh ãjmeecueteva Jesucristo peeygãjrra bagachte yujva psumée ãtyi fi'nzewa'ja's ũswal'j en ãjpcach.

<sup>22</sup> Viteva jypumbawe'shte ew mcaajiyu'jwe. <sup>23</sup> Vitety peeygãjrra menwe'wewe ipy walate cjëeya' yã'j ũssaty. Nava ewmeesa's jypa'yacy. Tyã'wëme' ropa yujva jyuca ewmeesarráa pëetjenita'.

### Dyusa's wechana fi'jni

<sup>24-25</sup> Dyus cue'shtyi nwe'wesa tyãa yuurráa quijte yujva shiingmée jype'jsa i'cue'sh ewmeete wetecajmen ewte jype'jya' ãjawa'jsa'. Tyã'wë

yūurra i'cue'shtyi quīj pcal yujva ji'pjmée tyajy wechana ũsnite  
nuypa'jana. Tyāa yuurrāa jytujtjesa', maateva jytjaacue walasa, quījteva  
jyuca ājasa'. Tyāa yuurrāa jycaajsa'. Sa' Dyus ũsnite i'cue'sh pa'jya' ājacajn  
cue'shtyi jype'jsa Jesucristo' pu'chjina. Nyafiiteyva tyā'wēc pu'ch na'  
āchva tyā'wēy írrāa pu'chjina, sa' bagachteva pu'chna nes yuuna.